



Synfocity = 504

mail us at : mzsinfo@gmail.com; mizoramsynod@gmail.com - Phone - 2314648

11th September, 2014

□ Synod Choir Member tharte Pathian hnenah hlanna

Kar hmasa Zirtawp (Sept. 5, 2014) tlai dar 4:30 khan Pi Zaii Hall, Synod Conference Centre-ah kum 2014 -2016 chhunga Synod Choir member ruat tharte hlanna inkhawm buatsaih a ni.

Choir Hlanna inkhawm hi CKTP Asst. Leader Pu Samuel Laldinglian a kaihrui a, General Secretary Upa Zonunmawia'n Choir member tharte leh Central KTP hruiute inhmehriattirna a nei a, Choir Director Pu R. Lalruatkiman thuchah tawi a sawi bawk. Synod Moderator Rev. K. Lalhmuchhuakan Synod Choir member 25-te Pathian hnenah hlanin duhsakna chibai a buk theuh a, CKTP Leader Rev. J. Lalremsiaman Fuihna thuchah a sawi a, Synod Moderator-in malsawmna sawiin inkhawm a tin a ni. Hlanna inkhawmah hian Synod Choir member ruat thar 25 zinga 24 an tel thei a, Central KTP hruiute nen inhmehriatna chawhlui an kilho a, chaw eikhamah Choir Cabin an fang nghal bawk.

Synod Choir member term 1 hi kum 2 chhung (KTP General Conference tum 2 huap) a ni a. Presbyterian Church of Wales-a rawngbawlina programme duan lawk a awm avangin kum 2012 -2014 member-te term hi pawhsei hret a ni a. Kum 2014 -2016 Synod Choir Director atan CKTP Committee chuan Pu R. Lalruatkima (CKTP Committee member) a lo ruat tawh a. Search Committee dinin, vawi eng emaw zat an thutkhawm hnuah Search Committee chuan Central KTP Committee-ah rawtna an thlen a. Central KTP Committee meeting August 29 leh September 1-a thukhawm chuan member 25 a ruat thar ta a. Choir Conductor atan Pu Lallianmawia Tlau ruatin, kum 2012 -2014 term-a member nisa 15 (Conductor thar tiamin) ruat nawn an ni a, a thar 10 ruat an ni bawk. Synod Choir member ruat tharte hian September 16 -20 chhung hian Synod Conference Centre Choir Cabin-ah hla zir camp an nei nghal ang.

□ Campus Ministry Counselling Room

Ni 10.9.2014 (Nilaini) khan Campus Ministry buatsaih Councelling Room thar, Khatla Presbyterian Kohhran Hall hnuai mi chu Rev. K. Lalhmuchhuaka, Synod Moderator-in Pathian hnenah a hlan.

Hlanna inkhawm tawi hi Rev. Dr. R. Lalbiakmawia, Synod Finance Officer leh Campus Ministry Committee Member ni bawk chuan kaihruiin, Rev. Lalchungnunga, Director, Campus Ministry-in report tawi a pe a ni. NI. Margaret Malsawmzuali (Maggie) hnen atangin Pathian fakna hla ngaithlak a ni a; Upa Chhawvunga, Committee Member-in lawmthu sawiin, Rev. K. Lalhangmawia, Campus Ministry Committee Member & Chhinga Veng bialtu Pastor-in malsawmnain sawiin inkhawm hi a tin a ni.

□ Presbyterian English School hnenah Computer hlan

September 10, 2014 (Nilaini) tlai dar 3:00 khan Synod Education Board chuan United Bank of India (UBI)-in Presbyterian English School tanpuina atana Computer 17, Rs. 6,34,100 man a pek hlanna inkhawm neih a ni.

He inkhawmah hi Pu Rozama Chawngthu, Secretary, Synod Education Board-in a kaihrui a, Upa D.P. Biakkhuma, Supervisor of Schools, PES-in report a pe a, Rev. P.C. Pachhunga, Executive Secretary i/c Education, Mizoram Synod leh Mr. Khaling Themson Maring, Senior Manager, United Bank of India, MZU Branch ten thu sawiin, computer an sem. Computer dawng tur hian school Principal eng emaw zat an lo tel thei a ni.

□ Zin

◆ Rev. Lalzuithanga, Senior Executive Secretary chu PCI programme 'Goodwill Visit to Wales' nei turin Wales-ah a thang mek a, Synod hrang hrang atanga kal tur zingah Rev. Lalzuithanga chiahin Visa a hmuh thei a ni. PCW hotuten programme lo siamin, hmun hrang hrang an tlawh dawn a ni. Ruahman lawk ang chuan September ni 23-ah a rawn let leh ang.

◆ Lucknow Mission Field leh Kolkata Mission Field tlawha Documentary Film siama zin Tv. Peter Lalanpuia leh Tv. David Lalruattluanga (Synfo) te chuan an hna an zo fel ta a, Zirtawpni hian a lo haw ang.

◆ Tripura Mission Field Account enfel puia kal Upa Lalsawmliana, Finance Manager leh Pu David Lalnunfela, OA te chuan an tih tur tizo-in vawin khan an lo haw.

□ KTP Quiz chungchang

Synod Information & Publicity Department (Synfo) in Aizawl khawpui Presbytery huam chhunga Branch KTP Quiz a buatsaih tur HRUAINA ENG QUIZ chu inbuatsaihna kalpui mek zel a ni a, Branch 82-in hming an pe lut a ni.

Intihiakna hi October 14, 2014 (Thawhlehi) zanah tan tur a ni a, a tan tirh zan bak chu Ningani leh Zirtawpni zanah zel neih a ni ang. Branch tin atangin mi pahnih zel tel tur a ni a, Elimination Round bikah heng mi pahnihte pui turin Branch tin atangin mi 20 zel tel theih a ni ang a, heng mi 20 te chhan tur bik zawhna pawh siam a ni ang. Round sanga lut turin a pumpuia ti tha zel thlan an ni ang.

Inelna tur Subject te :

a) **Bible (Mizo (Lushai) O.V. Reference)** - 40% (Elimination Round -ah chuan Rom atangin zawhna siam a ni ang a, Round dangah chuan Luka te, Tirhkohte Thiltih te leh Thuthlung Hlui atangin bu khat, hei hi nakinah la tihchian tur a ni ang.)

b) **Mizoram Presbyterian Kohhran Chanchin** by Rev. Lalchuanliana -20%

c) **KTP Chanchin – KTP Souvenir 'Lamtluang'** by CKTP – 20%

d) **General Knowledge (Current affairs)** – 20%

Round awm dan tur hetiang hian duan a ni :

- ◆ Elimination Round : All
- ◆ Second Round : Elimination Round a ti tha 20 ten Second Round an lut ang.
- ◆ Third Round : Second Round a ti tha 10 ten Third Round an lut ang.
- ◆ Final Round : Third Round a ti tha 3 in Final Round an lut ang.

Quiz inelna lawmman atan pakhatnain Rs. 1,00,000/-, pahnihnain Rs. 70,000/- leh pathumnain Rs. 50,000/- bakah Trophy mawi tak an dawng ang. Hruaina Eng Quiz hi Hruaina Eng TV Channel-ah Live a pekchhuah tum a ni.

❑ **Synod Mission Board**

♦ Arunachal East Mission Field chhunga Tangsa Model School Matric result kimchang a hriat ta a, exam zawng zawngin an passed a ni. CBSE lamin mark thawn dan tur ruahmanna thar an siam chu TMS lam hian an lo hmuh loh avangin harsatna eng emaw an nei a, hei vang hian an result kimchang hi hriat theih a ni lawk lo a ni. Theihtawp chhuaha an beih hnu-ah harsatnate su kiangin, result kimchang an nei ta a, hetiang hi an dinmun chu a ni : Total candidates - 23, I Div - 6, II Div - 15, III Div - 2.

❑ **Kristian Thalai Pawl**

♦ September 13-15 hian Rev. P.C. Pachhunga, Executive Secretary i/c KTP, Upa Zonunmawia, Gen. Secy leh Pu Samuel Laldingiana, Asst. Leader-te Champhaiah an kal ang. KTP General Conference 2016 Organising Committee-te nen inkawmin, kum 2016 KTP General Conference inbuatsaihate an sawiho ang a, Conference nghahna tur hmunhmate an thlirho baw ang. Organising Committee chuan CKTP hruiute hun hman dan tur hetiang hian ruahmanna an siam:

13.09.2014 (Inrinni Zan)

1. Zion Veng : Rev. P.C. Pachhunga
2. Kanan : Upa Zonunmawia
3. Venglai : Pu Samuel Laldingiana

14.09.2014 (Pathianni Chawhma)

1. Hospital Veng : Rev. P.C. Pachhunga
2. Zotlang : Upa Zonunmawia
3. Vengthlang North : Pu Samuel Laldingiana

14.09.2014 (Pathianni Chawhnu)

1. Hmunhmeltha : Rev. P.C. Pachhunga
2. Ramthar : Upa Zonunmawia
3. Bethel : Pu Samuel Laldingiana

14.09.2014 (Pathianni Zan)

1. Vengthlang : Rev. P.C. Pachhunga
2. New Champhai : Upa Zonunmawia
3. Kahrawt : Pu Samuel Laldingiana

❑ **Hruaina Eng FM Radio & TV Programme**

♦ **SEPTEMBER 12 (FM Zoawi Aizawl @ 7:30 p.m.) :**

Solo : Zoremi - Sinai Tlang, **Choir** : Muallungthu Bial Zaipawl - A nghak reng che, **Thuchah** : Upa Bonny Lalrindika - UID leh Sakawlh, **Band** : Realistic - Van In

♦ **SEPTEMBER 12 (FM Lunglei @ 7:30 p.m.) :**

Solo : Zoremi - Sinai Tlang, **Choir** : Muallungthu Bial Zaipawl - A nghak reng che, **Thuchah** : Upa Bonny Lalrindika - UID leh Sakawlh, **Band** : Realistic - Van In

♦ **SEPTEMBER 14 (TV Programme @ 3:00 p.m.) :**

Solo : Zorinsanga Sailo - Khawvel a ngam ta, **Sermon** : R. Lallungmuana - I hmu chiang tak zet em, **Solo** : Freddy Lalruatsanga - Tanpui dilna, **Playback** : Mizoram Synod Choir Pathian Hnena Hlanna

❑ **Susamachar Prasaran Programme**

SEPTEMBER 14 (Pathianni) 5:00 pm. Hindi Gospel Programme (Susamachar Prasaran) :

Group/Choir/Solo : Aizawl West Area Choir - Bharat Desh Mahan, **Group/Choir/Solo** : Durtlang Masihi Sangati - Santosh, **Sermon** : Lalhruiatluanga - Isu Kaun hai, **Group/Choir/Solo** : Lunglei Area Masihi Sangati - Dil se, **Group/Choir/Solo** : Mission Veng Masihi Sangati - Rahi

MIZORAM SYNOD CHOIR MEMBER (2014 – 2016)

| SI. | H M I N G | B I A L | B R A N C H |
|------------------|--------------------------|------------------|------------------------|
| SOPRANO | | | |
| 1 | Nl. Lalfakzuali | Khatla | Khatla North |
| 2 | Nl. K. Lalremzuali | Dawrpui Vengthar | Dinthar |
| 3 | Nl. Nancy Zothanmawii | Mission Veng | Mission Veng |
| 4 | Nl. K. Lalrampani | Chanmari | Chanmari |
| 5 | Nl. Stacy VL Muanpuui | Tuikual | Tuikual |
| 6 | Nl. K. Lalremruati | Republic | Republic |
| CONTRALTO | | | |
| 7 | Nl. Ramengmawii | Kulikawn | Kulikawn Vengthlang |
| 8 | Nl. Rodi Lalremruati | Tlangnuam | Tlangnuam |
| 9 | Nl. Lalchhuanmawii | Chhingaveng | Tuithiang |
| 10 | Nl. Lalrammuanpuui | Bethlehem | Bethlehem |
| 11 | Nl. H. Lalthanliani | Ramthar | Ramthar N |
| 12 | Nl. Lalremsiam | Venghnuai | Dam Veng |
| TENOR | | | |
| 13 | Dr. Zothansanga | Dawrpui | Dawrpui |
| 14 | Pu V.L. Ramdinthara | Chaltlang | Chaltlang |
| 15 | Tv. Thangdailova | Ramhlun Vengthar | Ramhlun Vengthlang |
| 16 | Tv. Lalrinzuala | Electric | Electric |
| 17 | Tv. Lalremsanga | Chawnpui | Zotlang |
| 18 | Tv. Joseph Lalfelfamkima | Ramhlun North | Ramhlun Venglai |
| BASS | | | |
| 19 | Tv. Lalrinthanga Sailo | Melthum | Melthum |
| 20 | Tv. P.C. Lalhmingsanga | Leitan | Leitan |
| 21 | Tv. Lalduhawma | Maubawk | Maubawk West |
| 22 | Tv. Ramdingiana | Luangmual | Luangmual West |
| 23 | Tv. David Vanlalpeka | Chanmari West | Chanmari West Hmarveng |
| 24 | Pu Zoramtana Ralte | Bawngkawn | Bawngkawn |
| 25 | Pu Lallianmawia Tlau | Zemabawk | Zemabawk |